



საქართველოს განათლებისა და მეცნიერების სამინისტრო
სსიპ „საგანმანათლებლო და სამეცნიერო ინფრასტრუქტურის განვითარების სააგენტო“-ს
დირექტორის

ბრძანება № 80-

20 აპრილი - 2014 წელი

ქ. თბილისი

„სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“
დირექტორის 2014 წლის 11 აგვისტოს N70 ბრძანებაში ტექნიკური შეცდომის გასწორების
შესახებ

საქართველოს ზოგადი ადმინისტრაციული კოდექსის მე-2 მუხლის პირველი ნაწილის „დ“
ქვეპუნქტის, ამავე კოდექსის 59-ე მუხლის, საქართველოს განათლებისა და მეცნიერების
მინისტრის 2011 წლის 30 დეკემბრის №225\ნ ბრძანებით დამტკიცებული სსიპ
„საგანმანათლებლო და სამეცნიერო ინფრასტრუქტურის განვითარების სააგენტოს“
დებულების მე-3 მუხლის 1-ლი, მე-5 პუნქტის „ა“, „ვ“ და „ლ“ ქვეპუნქტების შესაბამისად

და იმის გათვალისწინებით, რომ სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ დირექტორის 2014 წლის 11 აგვისტოს N70 ბრძანებაში ადგილი ჰქონდა ტექნიკური შეცდომის დაშვებას. კერძოდ, ბრძანების სარეზოლუციო ნაწილში დისციპლინური პასუხისმგებლობის ზომათა ჩამონათვალში გამორჩენილია დისციპლინური პასუხისმგებლობის ზომა - „შენიშვნა“, თუმცა ამავე ბრძანებით განხორციელებული ცვლილებების გათვალისწინებით თანდართულ კორექტირებულ შრომის შინაგანაწესში აღნიშნული ცვლილება ასახულია.
აღნიშნული გარემოების გათვალისწინებით,

ვბრძანებ:

1. განხორციელდეს ტექნიკური შეცდომის გასწორება და სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ დირექტორის 2014 წლის 11 აგვისტოს N70 ბრძანების მე-7 პუნქტი ჩამოყალიბდეს შემდეგი რედაქციით:
- „7. განხორციელდეს ცვლილება სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ დირექტორის 2009 წლის 04 თებერვლის N08 ბრძანებაში და ბრძანების 38-ე მუხლის მე-2 პუნქტი ჩამოყალიბდეს შემდეგი რედაქციით:
- „2. დასაქმებულის მიმართ შესაძლებელია გამოყენებული იქნას დისციპლინური პასუხისმგებლობის შემდეგი ზომები:
 - ა) გაფრთხილება;

- ბ) შენიშვნა;
- გ) საყვედური;
- დ) სასტიკი საყვედური;
- ე) სამსახურიდან გათავისუფლება.“
2. დაევალოს სააგენტოს კანცელარიას წინამდებარე ბრძანების დაინტერესებულ პირთათვის კანონით დადგენილი წესით გაცნობა.
3. ბრძანება შეიძლება გასაჩივრდეს მისი ოფიციალური წესით გაცნობის დღიდან ერთი თვის ვადაში, საქართველოს განათლებისა და მეცნიერების სამინისტროში (მის. ქ.თბილისი, დ.უზნაძის ქ.№52) ან/და თბილისის საქალაქო სასამართლოს ადმინისტრაციულ საქმეთა კოლეგიაში (ქ.თბილისი, დ.აღმაშენებლის ხეივნის მე-12 კმ №6).

დირექტორი



გრიგოლ გაგოშიძე